

化三界隨宜啓導吾徒成真人以來種種因緣種種譬喻廣演言教無數方便引導衆生今離諸著所以者何吾之方便知見深遠皆以具足百姓子人我太上先師其智廣深遠无量無邊无所畏憚心定解脫深入秘藏知見元際成就一切未曾有法皆至天宮大妙仙國元陽上品大仙寶經種種分別巧說諸法言辭柔軟悅可衆心百姓子等取我要言之法无有限量承我所說悉皆成就不可思議子等不須復說何以故我所成就微妙第一義趣難解唯吾上師乃能分別諸法深奧不能究盡吾今有如是相有如是性如是體如是力如是作如是緣如是因如是果如是報如是本末盡等究竟爾時天人授記與信行善男善女一切咸使聞知悉皆開悟及天老玄淨王少子其先自出慰田王官其所祖述大寶為上甚所修習太清經八千卷能廣演言教六十小劫不起于座本從无數具足諸行甚深甚妙難見難了有從弟子三人一名玄妙真人二名證果真人三名明智真人

然此弟子有大聖行能說法元陽仙品千日千夜不起于座次一弟子名真梵林諸根極利甚深微妙行此諸品還得成果我以悉知如是大果元陽功德次一弟子名大梵林種種方便我及十方諸餘衆生悉能演化開悟暗冥次一弟子名真淨林其人智慧信力堅固及諸弟子煩惱漏盡住是最後悉皆昇天太上仙宮依位各處

太上靈寶元陽妙經卷之四

太上靈寶元陽妙經卷之五

觀行品上

五

爾時東方玉寶皇上天尊於空歌國土清淨世界與其神仙眷屬飛天神王至真大聖衆八萬四千徒侶俱會香林七寶樹間演說元陽上品觀行妙經為諸衆生作大福田曉悟深疑令知妙道善男子應當發心願念遵行四種修學之法作是語已時衆之中有一真人名曰靈華整頓衣冠手執香爐長跪白言宿因有幸得遇威光過泰之歡實為慙悚今聞演說元陽秘藏甚深義味不可思議云何天尊答曰善男子四種修學之法一者從師受與元陽經典二者從善知識開道深疑三者思惟玄義得苦空法四者修行精進志願成道善男子當知四種之業親近明師尋知識請說玄義得解疑難真人應知思其四種修學之法復次善男子身口意業有四種惑何等為四一者貪惑二者癡惑三者淫惑四者嗔惑善男子修學大乘經典求自然果者應當捨除如是四種惑法云何貪惑所謂

貪惑者非分貪求世間榮華衣服珍玩種種規求種種計度殺害眾生侵損物命恣意所為縱情吞飲如是之事是名貪惑云何癡惑所謂癡惑者身心意業所作罪愆不避三光日月星宿不敬三寶有道之人聞他作善心生破壞談說是非誹謗辱老師父有命避會不肯依從如此之事是名癡惑云何淫惑所謂淫惑者愛樂女色不避親疎姦人妻妾私懷謀度潛欲誘引離人骨肉放蕩无度如此之事是名淫惑云何嘔高惑所謂嘔高惑者心懷詭妄構架百端因公傍私潛行威勢身為出家誑惑眾生取他財物誑言道術无真實相如是之事名為嘔高惑善男子若欲至心求无上自然果者其人當知四種惡惑悉皆除斷復次善男子有二種信一者至心信二者心不信其人當知心信者是善心不信者不名為善復次信有二種一者常往法座二者不往法座其人當知常往法座者善不往者不名為善往法座者復有二種一者禮拜二者不禮拜其人當知禮拜者善不禮拜

者不名為善其禮拜者復有二種一者至心聽法二者不至心聽法其人當知至心聽法者善不至心聽法者不名為善其人當知至心聽法者復有二種一者思尋其義二者不思尋其義其人當知思尋其義者善不思尋其義者不名為善思尋其義者復有二種一者如說行二者不如說行如說行是則為善不如說行者不名為善如說行者復有二種一者有大智慧而能利益一切眾生二者有大智慧而不能利益一切眾生所謂能利益一切眾生者是則為善不能利益一切眾生不名為善其人童子應知利益眾生安穩歡喜得自然果報善男子如諸寶中有明月寶珠最為勝妙如諸味中有甘露漿最為勝妙真人能於人天之中演說元陽經義利益眾生最為勝妙不可譬喻善男子是名真人童子住於大乘清淨无為九法之中真人童子住是九善即得具於觀行復次善男子有觀行心謂慈悲喜捨靈華真人長跪白天尊言若多慈心能斷瞋恚修慈心者亦斷瞋恚云

何而言四无量心尋理而言則應言三天尊曰慈有三緣一緣眾生二緣於法三則無緣慈悲捨心亦復如是若推其意唯應有一不應有四眾生緣者緣於五情願與其樂是名眾生緣法所謂緣者緣諸眾生所須之物而施與之是名法緣無緣者緣於天尊是名無緣慈者多緣貧窮眾生天尊大師永離貧窮受第一樂若緣眾生則不緣道法亦如是以此斯義故緣天尊者名為無緣天尊慈之所緣一切眾生如緣父母兄弟妻子眷屬以是義故名眾生緣法緣者不見父母兄弟妻子眷屬見一切眾生皆從緣生是名法緣无緣者不住法相及眾生相是名無緣慈悲捨心亦復如是是以名三不應有四天尊曰人有二種一者見行二者愛行見行之人多修慈悲愛行之人多修喜捨是故應二不應有四天尊曰夫无量者名曰无边邊不可及故名无量者則應是一不應有四若有四者何得无量是故應一不名四也天尊告靈華真人善男子諸天聖人為諸眾生所宣法要其言秘

客唯子可知或為諸衆生說一因緣如說何者為一因緣所謂一切有為之法善男子或說二種因緣及果或說三種煩惱業苦或說四種元明諸行生與老死或說五種所謂受取有及生或說六種三世因果或說七種謂識名色六入觸受及以愛取或說八種元明行及生老死其餘八事或說九種生老病死善男子如是因緣為衆生故種種分別無量心法亦復如是善男子以此義故於諸天尊深秘行處不應生疑善男子天尊有大方便委曲教化子細宣揚令一切衆生深解法性除疑惑心无苦說苦无樂說樂无因說因无果說果无真說真无法說法无仙說仙无道說道善男子天尊以是无量方便為調伏衆生豈虛妄耶善男子或有衆生貪於財寶我於其人自化其身富貴長者於无量劫歲隨其所須種種供給然後教化令其解悟无上正真大道若有衆生貪著五欲於无量歲以知五欲充滿其願然後勸化令其安住无為之地曉悟无上正真大道若有衆生自恃榮

豪我於其人无量歲中為作僕使趨走給侍得其心已即復勸令安住无為之境明達无上正真大道若有凡夫衆生心生很戾自作惡事須人呵諫我於无量歲中教誨呵諫慰喻其心令復調順然後勸令入清淨之境明曉悟解无上正真大道之心善男子天尊如是於无量歲以種種方便令諸衆生入清淨之境修是无上正真大道豈虛妄耶諸聖人雖處穢惡无所染汚猶如明珠在沙磧中猶如蓮花在水內善男子應知如是四無量義是无量心如汝所言惡能斷瞋慈亦斷慈何以故善男子慈有二種一能奪命二能鞭撻修慈則能斷彼奪命修慈則能除彼鞭撻善男子以是義故豈非斷慈耶復次瞋有二種一瞋衆生二瞋非衆生修慈心者斷瞋衆生修慈心者斷非衆生復次瞋有二種一者有因緣二者无因緣修慈心者斷有因緣修慈心者斷无因緣復次瞋有二種一者於過去久已積集二者於見在今始積集修慈心者能斷過去修慈心者斷於見在復次瞋

有二種一瞋聖人二瞋凡夫修慈心者斷瞋聖人修慈心者斷瞋凡夫復次瞋有二種一者上二者中修慈斷上修慈斷中善男子以是義故則名為四何故難言應三非四是故靈華真人是无量心類例相對分別為四復以器故應名為四若有慈則不得有悲喜捨心以是義故應四不滅善男子以行分別故應有四若行慈時無悲喜捨是故善男子以无量故亦得名四无量者則有四種有无量心有緣非自在有无量心自在非緣有无量心亦緣亦自在有无量心非緣非自在何等无量有緣非自在緣於无量无边衆生不能得自在雖得參真染法或得或不得何等无量自在非緣如緣父母兄弟姊妹妻兒欲令安樂无量緣何等无量亦緣亦自在謂諸天聖人何等无量非緣非自在晚學法人不能廣緣无量衆生亦非自在善男子以是義故名四无量非諸晚學法人所知乃是諸天聖人境界善男子如是四事晚學法人雖名无量少不足言諸天聖人乃得名為无量无边

靈華真人白天尊言如是如是實如聖言諸天聖人所有境界非諸曉學法人所及天尊顯有真人住於大乘元陽經中得慈悲心非是大慈大悲心不天尊言有善男子真人若於諸眾中三品分別一者所觀二者慈憫三者中人於觀人中復作三品謂上中下慈憫亦爾是真人童子於上觀所與情上樂於中下觀亦復平等與情上樂於上慈所與少分樂於中慈所與中品樂於下慈所與情上樂於真人如是轉情修習於上慈所與中品樂於中下慈等與上轉復修習於上中等與上樂若上慈所與上樂者爾時得名慈心成就真人爾時於善父母及上慈所得平等心无有差異善男子是名得慈悲大慈也天尊何緣真人得如是慈猶故不得名為大慈悲善男子以難成故不名大慈何以故昔於无量劫中多集煩惱不修善法是以不能於一日中調伏其心得堅固相无有懈退善男子煩惱之人堅牢難去真道之心輕浮易去譬如家犬不畏於人山林野鹿見人怖走瞋恚難去

如守家犬慈心易失猶如野鹿是故此心難可調伏以是義故不名大慈復次善男子譬如畫石其文恒在畫水易滅勢不可住瞋恚難除譬如畫石善根易滅猶如畫水是故此心難得調伏如大火聚其明久住電光之明其光不停曠火聚慈如電光是故此心難得調伏以是義故不名大慈善男子真人童子住於真地名曰大慈何以故善男子最極惡者名為邪見初住真地修大慈時作邪見時心无差別不見其過不生其瞋以是義故得名大慈善男子為諸凡惡除无利益是名大慈欲與凡惡无量利樂是名大慈於諸凡惡心生歡喜是名大善无所擁護名為大捨若不見我法相已身見一切法平等无二是名大喜捨自捨已樂施與他人是名大喜捨善男子唯四无量能令真人增長具足四種威儀其餘諸行不必能爾善男子真人童子先得四无量心然後乃發无上正真大道之心次第方得出世間者善男子因世无量得出世无量以是義故名大无量靈華真人白天尊言除无利益與利樂者實无所為如是思惟即是虛觀矣有實利天尊譬如道士觀不淨時見所著衣服悉是皮相而實非皮所可食取皆作蟲相而實非蟲觀好美莖作糞穢汁相而實非糞穢觀所食乳酪猶如髓腦而非髓腦觀骨碎棘猶如粉相而實非粉四无量心亦復如是不能真實利益眾生令其得樂雖言發口與眾生樂而實不得如是之觀非虛証耶天尊若非虛妄實與樂同者彼諸眾生何故不以諸天聖人威力故一切受樂若當真實不得樂者如天尊所說我念往昔唯修慈心經此劫世界百返成壞不來此生世界成時生於龍變梵度天上世界破時生於太極平育天上若有眾生能發道心於我所唯修慈悲乃得如是人天果報若不實者云何得與此義相應天尊言善哉善哉善男子汝真勇猛无所畏懼即為靈華真人而說偈言

善能明法相 不起三毒心 所為平等行 是能宣妙音 百姓男女輩 當以淨神襟

善能明法相 不起三毒心 所為平等行 是能宣妙音 百姓男女輩 當以淨神襟

是名觀行品 得果會香林 天明諸道士
明律善幽深 從容紫微上 窈窕玉京岑
若能體真實 玄義必須尋 六時常讀誦
八節恒歌吟 凡夫及眾生 當除殺盜姦
身口意業盡 邪鬼不能侵 一切善因果
皆緣願所欽 我今說此頌 開發諸迷沉
聖人甘露味 妙漿隨意斟 仙意奉法服
玉女上神替 元陽隱密偈 猶如五合琴
子能辯至要 身體津黃金
善男子夫修大慈者實為非妄想是其真實
理若是下仙初學之人是名虛妄諸天聖人
真實不虛云何知耶善男子真人童子修行
如是元陽上品大乘經者觀土為金觀金如
土地為水相水為地相水為火相火為水相
地為風相風為地相有為元相真為假相實
為空相隨心所成元有虛妄觀諸眾生非為
眾生觀非眾生為實眾生隨其心成元有虛
妄善男子當知真人童子四无量心是真實
義非真實義復次善男子云何名為真實思
微謂能斷除疑網息諸煩惱故善男子夫修

慈心者能斷貪愛修悲心者能斷瞋恚修喜
心者能斷不樂修捨心者能斷貪恚及眾生
相以是義故名真實義復次善男子真人修
四無量心能為一切諸善根本善男子真人
童子若不得見貧窮眾生無緣生慈若不慈
則不能起慈施心以是因緣令諸凡夫得安
穩樂所謂飲食車乘衣服香華牀席卧具種
種珍玩種種甘果種種文繒種種錦繡如是
施時心无悔惜不生貪著必定迴向死上正
真大道其心爾時无所歸依妄想永斷不為
恐懼名稱利養不求人天所受快樂不生驕
慢不望反報不為誰他故行布施不求報故
諸所施時不見受者持法破法是由非由此
是善知識作此施時不擇日揀時直心布施
元有悔恨亦復不計飢窮豐樂不見因果此
是凡夫此非凡夫是福非福雖復不見施者
受者及以衣物乃至不見斷及果報而常行
施元有斷絕善男子真人若見持法破法乃
至果報終不能施若不散捨則不具足自然
果若不具足自然果則不能成元上正真大

道善男子譬如有人身被毒箭其人親戚欲
令貞言為除毒故即命良醫而為拔箭彼人
方言且待莫解我今當觀如是毒箭從何方
來誰之所射為是憎惡之人為是鬼神所害
為是自然自有如是癡人竟未能知尋便命
終善男子真人亦爾若行施時分別受者持
法破法乃至果報終不能施若不能施則不
具足自然之果則不能成元上正真大道復
次真人童子行施散時於諸凡夫慈心平等
猶如子想又行施時於諸凡夫眾生起慈念
想譬如父母瞻視病子行施散時其心喜悅
猶如父母見子病愈想既施散之後其心施
捨猶如父母見子長大能自養活想是真人
童子於慈心中布施食時常作是念我今所
施悉與一切凡夫共之以是義故令諸凡夫
得大智食動心迴向元上大乘元陽妙經願
諸凡夫一切眾生平等一得善智食不求
高貴富饒之人乞求飲食願諸凡夫眾生得
食吾食不求他食願諸凡夫一切眾生悉得
自然之食皆令飽滿攝取无礙增於善根願

諸凡夫一切衆生解達空相得无礙身猶如
 虛空願諸凡夫一切衆生常為受者憐愛一
 切為衆福田善男子真人童子修慈心時凡
 所施食應當堅發如是无上正真等願復次
 善男子真人童子於慈心中布施漿時常作
 是願我今所施悉與一切凡夫衆生共之以
 是義故令諸凡夫衆生趣大乘河飲八種味
 水速悟无上正真之道離諸疑滯斷煩惱業
 渴仰法味愛樂大乘元陽經典具足法身得
 諸法藏入於甚深智慧大海願諸凡夫一切
 衆生得甘露水飲醴泉味具道出世皆得清
 淨如是諸法願諸凡夫一切衆生具足无量
 百千法味具法味已得見道性見道性已能
 兩法雨雨法雨已道法徧覆猶如虛空復令
 其餘无量衆生得一法味所謂大乘非諸邪
 見衆生異種差別非善之味善男子真人童
 子於慈心中布施飲時應當堅發自然之誓
 如是等願復次善男子真人童子於慈心中
 施諸衣服錦繡車乘卧具常作是願我今所
 施悉與一切凡夫衆生共之以是因緣普令

一切凡夫衆生成於大乘元陽之果得住大
 乘元陽之果不退大乘元陽之果不有動轉
 大乘元陽之果善男子於慈心中施諸衣服
 錦繡車乘卧具時常應如是堅發誓願復次
 善男子真人童子於慈心中布施衣時常作
 是願我今所施悉與一切凡夫衆生共之以
 是因緣令諸凡夫一切衆生得慙愧衣法界
 覆身裂諸邪見衣服離身得清淨身所受諸
 觸淨善无礙顏色温潤肌膚柔軟恒无无色
 願諸一切凡夫衆生皆得无色之身過諸色
 境得入无色大乘秘藏善男子真人童子於
 慈心中布施衣時應如是念堅發自然誓願
 復次善男子真人童子於慈心中布施百和
 寶香時常作是願我今所施悉與一切凡夫
 衆生共之以是因緣令諸凡夫一切衆生聞
 其香薰皆得悟道願諸凡夫一切衆生形如
 皎月所見諸色微妙第一願諸凡夫一切衆
 生皆獲一切萬善莊嚴願諸凡夫一切衆生
 隨意得見可意之色願諸凡夫一切衆生常
 值名友得无礙香離諸穢氣願諸凡夫一切

衆生具諸善業无上貴寶願諸凡夫一切衆
 生知識和悅无有憂惱慈悟苦空不相愛念
 願諸凡夫一切衆生持无礙法香氣芬布
 滿世界願諸凡夫一切衆生得堅固法无悔
 恨法一切戒法離諸破法應得无法未曾有
 法无師法无作法无穢法无汚法染竟法畢
 竟法得平等法塗割善惡等无偏愛願諸凡
 夫一切衆生得无上法大乘之法非小乘法
 願諸凡夫一切衆生具足自然道果猶如真
 人初得法時願諸凡夫一切衆生悉為布施
 持戒忍辱精進神妙香華之所薰修願諸凡
 夫一切衆生皆得成就元陽上品微妙寶香
 其實香氣徧滿虛空願令凡夫一切衆生純
 食元陽上品大乘香儲如蜂採花取其香味
 願諸凡夫一切衆生得成自然无量功德所
 被之身善男子真人童子於慈心中布施香
 時常當堅發如是自然誓願復次善男子真
 人童子於慈心中施榻席時常作是願我今
 所施皆與一切衆生共之以是因緣令諸凡
 夫得天中所卧之榻得大智慧坐四如意處

卧於真人之榻不卧邪魔非法之榻願諸凡夫得安穩卧離生死席成自然師子卧榻願諸凡夫坐此榻已復為其餘无量凡夫示現神通有大智力願諸凡夫住此元陽大宮為諸凡夫演說道法願諸凡夫坐上榻不為世法之所降伏願諸凡夫得忍辱榻離於生死飢餓困苦願諸凡夫得无畏榻永離煩惱一切怨賊願諸凡夫得清淨榻專无上正真之道願諸凡夫得善法榻常為善友之所擁護願諸凡夫得左脇卧榻依於聖人所行之法善男子真人童子於慈心中施榻席時應當堅發如是誓願復次善男子真人童子於慈心中施屋宅時常作是願我今所施皆與一切凡夫共之是以因緣令諸凡夫處大乘屋修行善友所行之行修大悲行度妙行諸天真人所行之行无邊廣大如虛空行願諸凡夫皆得正念遠離惡想願諸凡夫悉得安穩住常樂淨永離四傾願諸凡夫悉皆受持微妙文字願諸凡夫必為无上一切智願諸凡夫悉皆得入觀喜甘露法屋願諸凡夫

初中後心常入元陽清淨之宅願諸凡夫於未來世常處真人所居宮室善男子真人童子於慈心中施屋宅時常當堅發如是誓願復次善男子真人童子於慈心中施燈明時當作如是願我今所施悉與一切凡夫共之是以因緣令諸凡夫光明无量安住道法願諸凡夫常得明朗願諸凡夫得色光澤微妙第一願諸凡夫肉眼清淨无有翳障願諸凡夫得大惠炬善解无我无凡夫相无入无命願諸凡夫皆得了見清淨法性猶如虛空願諸凡夫其目明皎遠見十方恒河世界願諸凡夫得法光明徧照十方无量國土願諸凡夫得无礙明皆悉得見清淨法性願諸凡夫得大智明破一切闇及有邪魔願諸凡夫得无量光明普照无量无邊諸天世界願諸凡夫燃大乘法燈離小乘見願諸凡夫所得光明滅無明闇過逾千日願諸凡夫得大光明徧照三千世界所有幽闇皆悉朗徹願諸凡夫具足五眼悟於法相成无上師願諸凡夫不見無明願諸凡夫悉得大乘元陽微妙光

明亦悟凡夫真人實法之性善男子真人童子於慈心中施燈明時常應堅發如是誓願善男子諸天真人童子悉為根本修習慈心能生如是无量善業所謂穢惡出息入息无常生滅四聖果處五種善業三達觀行八種功德一切入空無有形相知他人智及諸神通智本際智仙人智童子智真人智天尊智善男子如是等法慈為根本以是義故慈是真實非虛妄也善男子能為善者名實思微實思微者即名為慈慈即天尊慈即大乘大乘即慈慈即天尊善男子慈即自然慈即真道真道即慈慈即天尊善男子慈即仙人仙人即慈慈即天尊善男子慈者能為凡夫一切眾生作於父母父母即慈慈即天尊善男子慈者乃是不可思議諸法境界不可思議諸法境界即是慈也當知慈者即是天尊善男子慈者即是凡夫法性如是法性久為煩惱之所覆蔽故令凡夫不得親見法性即慈慈即天尊善男子慈即太虛太虛即慈慈即天尊善男子慈即虛空虛空即慈慈即天尊

善男子慈即是常常即是真真即是道道即是慈慈即天尊善男子慈即是喜喜即是仙仙即是法法即是慈慈即天尊善男子慈即是清清即是淨淨即是道道即是法法即是慈慈即天尊善男子慈即是我我即是道道即是法法即是士士即是慈慈即天尊善男子慈即甘露甘露即是慈慈即法法性性即是道道即是士士即是慈慈即天尊善男子慈者即是真人无上之道道即是慈慈即天尊善男子慈者即是諸天聖人无量世界无量世界即是慈也當知是慈即是天尊善男子慈若有無非有非無無如是慈非諸下仙初學等能思義善男子慈若不可思議法不可思議法性不可思議天尊亦不可思議善男子真人童子住於大乘妙死修如是慈雖復安於睡眠之中而不睡眠動精進故雖常明了亦無明了以無眠故於其眠中諸天雖護亦無護者不行惡故眠不惡夢無有不善雖睡眠故命終之後雖得生天亦無所生得自在故善男子夫修慈能得成就如是無量

无边功德善男子是大无阳上品微妙經典亦能成就如是无量无边功德諸天真人亦得成就如是无量无边功德靈華真人白天尊言一切真人童子所有思微悉是真實下仙曉學非真實者一切眾生何故不以真人童子威力等受快樂若諸眾生實不得樂當知真人所修慈心為無利益天尊言善男子真人之慈非不利益有諸眾生一切凡夫或必受苦或有不苦若有眾生必受苦者真人之慈為無利益謂一切凡夫若有受苦不必定者真人之慈則為利益令彼眾生悉受快樂善男子譬如有人遙見猛獸毒蟲自然生於憂怖夜行見鬼亦生恐懼善男子如是諸人自然怖畏眾生如是見修慈者自然受樂善男子以是義故真人修慈是實思微非無利益一切眾生應當至心供養讀誦元陽觀行上品妙經深解慈喜捨之心皆得度脫登无上自然大道之果善男子等勿得輕慢疑惑邪心不信經教皆毀聖文若有心生不信當墮三惡道中畜生之報於是靈華真人

神仙眷屬善男子等既得明了心無疑滯一時恭敬作禮左繞三匝稽首而去

太上靈寶元陽妙經卷之五